

SANTIAGO ETA SANTANA MAZUZTE KOLOREKO

Santiau pasau de ta
Santana geubian
mutil bi egon zasen
Morena
bentana batian.

Mutilok egon zasen
guzurrek kontetan
aitxitxe koitxedue
Morena
taluak erretan.

Amama koitxedia
gortatik negarrez
katu demoñinoa
Morena
taloa dandarrez.

Masuzte koloreko
begitxu baltzokaz
ondo engaiña iñ nona
Morena
berba labanokaz.

Arako zeuk gure ta
neuk gure nendunian
berba labanik asko
Morena
zendula miñian.

Zeu bere Joxepa ta
neu bere Joxe ba
ontxe konta biar kuz
Morena
amalau pezeta.

* Legarreta'tar Asier'ek, jaso eta
bildutakoak

BERANGO'KO KOPLA ZARRAK

Bizkaian oso zabalduak dagozan koplak txiki auek, gutxienez berreun urte inguru dabez ta Berango'ko errian artutakoak dira.

Oiñ edo errima biko sei koplak dira, danatan MORENA berbea ikusten dala.. Koplak geiago ere izango dira, emen agertu ez arren. Bizkaiko ainbat erritan antzeko koplak dagoz, doiñu ezberdiña badauke ere.

Esaterako, nork ez eban iñoiz entzungo:

Aitxitxe Makuletako

pipe zalje.

Pipiek erre dautso

zurren puntie.

Amoma koittadia

gortatik negarrez.

Katuak eroan dautso

taloa dandarrez.

Koplak auek neuk entzun neutsozan amomari Mungialdean umea nintzala. Beste erri batzutan doiñua eta gorpuzkera aldatuta agertan dira, esanai bardiña daukela.

Oskorrik "Katuen testamentuen", Aitxitxe Makuletako'ren koplak sartuten ditu. Mungialdekoagaz konparatu ezkerre, antzeko doiñua dauke, esanai bardiña eta apur bat baiño ez dira aldatzen gorpuzkera aldetik.

Urrengo Euskerazaintzako aldizkarian, Santa Eskeko koplak azalduko dodaz, Bizkaiko eran.

Legarreta'tar Asier